

Inissiaatileqatigiiffimmik pilersitsinissaq pillugu Inatsisartut peqqussutaat nr. 12, 28. oktober 1993-imeersoq

Kalaallit Nunaanni inissaqartitsineq, ineqarnermut tapersiissuteqartarnek inissianillu attartortitsineq il. il. pillugit inatsit nr. 944, 23. december 1986-imeerjoq naapertorlugu makku aalajangersarneqarput:

Kapitali 1.

Ingerlatseqatigiiffimmik pilersitsineq.

§ 1. Naalakkersuisut 1. januar 1994-imi atuutilersussaq aktiaateqarluni ingerlatseqatigiiffik, A/S Inissiaatileqatigiiffik INI, pilersissavaat.

Imm. 2. Inissiaatileqatigiiffiup inissianik aqutsilermi suliasat il.il. maannamut Namminersornerullutik Oqartussat Ineqarnermut immikkoortortaarfianit kiisalu isumaqatigiissut 16. september 1975-imeersoq tunngavijalugu kommuninit suliarineqartartut suliasarilissavai ingerlateqqitassarilissallugillu.

Kapitali 2.

A/S Inissiaatileqatigiiffik INI.

§ 2. Illuutiniq aqutsineq taakkunungalugu tunngasunut kiffartuussineq inissiaatileqatigiiffiup ingerlassassaattut siunertarineqarpoq.

Imm. 2. Inissiaatileqatigiiffiup makku suliasarai:

- 1) Namminersornerullutik Oqartussat inissiaataasa aqunneqarnerat ingerlanneqarnerallu,
- 2) ukiumoortumik aningaasanut inatsimmi aningaasaliissutigineqarsimasut atorlugit nutaanik inissialiornermi inissianillu iluarsaassinerni Namminersornerullutik Oqartussat sinnerlugit sanatitsisutut oqartusaaneq,
- 3) inissialiornermut tapersiissuteqartarnek pillugu Inatsisartut peqqussutaat naapertorlugu boligstøttimik aqutsineq,
- 4) kommunit isumaqatigiissuteqarfiginerisigut inissianik kommuninit pigineqartunik aqutsineq,
- 5) namminerisaminnik illuutillit isumaqatigiissuteqarfiginerisigut illunik inissianillu inunnit nammineq pigineqartunik, matuma ataani aamma piginneqatigiilluni inissiat pineqarlutik, aqutsineq,
- 6) piginnittumik kimilluunniit isumaqatigiissuteqarnikkut illuutimik sumilluunniit aqutsineq ingerlatsinerlu,
- 7) ineqarnek il.il. pillugit misilittakkanik ilisimalikkanillu katersineq ineriartortitsinerlu,
- 8) suliasat allat imm. 1-imi siunertarineqartumut tunngassuteqartut.

Imm. 3. Inissiaatileqatigiiffik ingerlanneqassaaq niuernermi atugassarititaasut tunngavigalugit kiisalu Naalakkersuisunit maleruagassiarineqartut naapertorlugit.

Imm. 4. Imm. 1-imi suliassatut taagorneqartut sulariniarnerini Inissiatileqatigiiffiup Namminersornerullutik Oqartussat, kommunit allallu ingerlatsinissamut pisariaqartunik isumaqatigiissuteqarfigissavai.

§ 3. Inissiatileqatigiiffimmi aktiatigut piginneqataassutit pilersitsinermi 25 mio. kr.-iusut Namminersornerullutik Oqartussanit pigineqarput.

Kapitali 3.

Ingerlatseqatigiiffimmut atugassarititaasut allat.

§ 4. Inissiatileqatigiiffik aktiaateqarluni ingerlatseqatigiiffiit pillugit inatsimmut kiisalu aktiaateqarluni ingerlatseqatigiiffiit pillugit inatsisinut allanut Kalaallit Nunaanni atulersinneqarsimasunut atavoq. Peqqussummi matumani aalajangersagaasut tamatuminnga allannguuteqartitsissanngillat.

§ 5. Naalakkersuisut piginnaatinneqarput pigisat maannamut ineqarnermik aqutsinermut ataatsimoortumillu allaffeqarfinnut atasut soorlu illuutit, pequtit, ineqarnermut akiliutinut akiitsut nalingat pigisallu allat nalingi aallarniutitut aningaasaliissutigissallugit.

§ 6. Pigisat aallarniutitut atorneqartut pillugit pisussaaffiit Inissiatileqatigiiffiup pisussaaffigilissavai.

§ 7. Inissiatileqatigiiffiup malittarisassai taakkunungalugu allannguutissat Naalakkersuisunit akuerineqartassapput.

§ 8. Naalakkersuisut aalajangersaavigisinnaavaat inissiatileqatigiiffiup taarsigassarsisarnissaa, qularnaveeqqusiisarnissaa kiisalu paasissutissanik Namminersornerullutik Oqartussanut tunniussisarnissaa.

Kapitali 4.

Sulisut.

§ 9. Namminersornerullutik Oqartussat Ineqarnermut immikkoortorta qarfiani tjenestemanditutorfeqartut Namminersornerullutik Oqartussat erseqqinnerusumik unnersuussutaat malillugu atorfeqarnertik inissiatileqatigiiffimmi ingerlateqqiinnarallarsinnaavaat inissiatileqatigiiffimmi atorfeqalivissanngikkunik.

Imm. 2. Tjenestemandit imm. 1 naapertorlugu Namminersornerullutik Oqartussat ataani tjenestemanditutor ingerlaannartut soraavinnissaminnut utaqqinermi aningaasarsianik, piareersimanermi aningaasarsianik soraarnerussutisianilluunniit pisassaqartitaassanngillat Inissiatileqatigiiffimmi sulinertik pissutigalugu.

Imm. 3. Imm. 1 naapertorlugu aningaasarsiaritinneqartut il.il. Inissiatileqatigiiffiup Namminersornerullutik Oqartussanut taarsertassavai.

Imm. 4. Tjenestemandit imm. 1 naapertorlugu Inissiatileqatigiiffimmut atukkiunneqartussat pillugit soraarnerussutisariatinneqartussat Namminersornerullutik Oqartussat aningaasartuutigissavaat. Piffissami atorfillip Inissiatileqatigiiffimmi sulilluni soraarnerussutissanut katersinerani

Inissiaatileqatigiiffiup Namminersornerullutik Oqartussanut soraarnerussutisiariligassaanic akiliuteqartassaaq.

§ 10. Sulisut allat eqqarsaatigalugit Inissiaatileqatigiiffiup pisinnaatitaaffigilerlugillu pisussaaffigilissavai peqqussutip atuutilernerani ataatsimoortumik isumaqatigiissutit malillugit imaluunniit aningaasarsiat sulinermlu atugassarititaasut pillugit aalajangersagaasut Naalakkersuisunit aalajangersagaasimasut akuersaarneqarsímasulluunniit malillugit atuuttuusut aammalu inunnut ataasiakkaanut aningaasarsiasatut sulinermilu atugassarisatut isumaqatigiissutit.

§ 11. Tjenestemandit sulisullu allat kommunini ineqarnermik aqutsinermik sulfaqartuusut pillugit Inissiaatileqatigiiffiup kommunit atorfeqarfigisaat isumaqatigiissuteqarfiginiarsarissavai aalaj angersaaviginiarlugu tjenestemandit sulisullu allat kommunini atorfeqartut kikkut Inissiaatileqatigiiffimmut nuunneqassanersut.

Imm. 2. Imm. 1 naapertorlugu kommunini tjenestemandit sulisullu allat Inissiaatileqatigiiffimmut nuunneqartussanut §§ 9-imi 10-imilu aalajangersagaasut aamma atuupput.

Kapitali 5.

Atuutilerfissaa.

§ 12. Inatsisartut peqqussutaat manna atulissaaq 1. november 1993.

Imm. 2. Tamanna peqatigalugu Namminersornerullutik Oqartussat inissiaataat attartortittakkat pillugit Inatsisartut peqqussutaat nr. 11, 22. december 1986-imeersoq atorunnaassaaq.

Imm. 3. Allaffissornikkut aalajangersakkat Inatsisartut peqqussutaat imm. 2-mi taaneqartoq naapertorlugu suliarineqarsimasut atuutinnaassapput Inatsisartut peqqussutaat manna naapertorlugu aalajangersakkatigut allanngortinneqarnissamik atorunnaarsinneqarnissamilluunniit tungaannut.

Namminersornerullutik Oqartussat, ulloq 28. oktober 1993.

Lars Emil Johansen

/

Emil Abelsen